

2023 NCEA Pūrongo Aromatawai

Te Marautanga o Aotearoa	Pāngarau
Rā Aromatawai	25 Oketopa 2023
Te Momo Aromatawai	Kete Manarua
Ngā Paerewa Paetae	Kaupae 1 - 92068, 92067

Wāhanga 1: He Tirohanga Whānui

He Kete Manarua e whai wāhi ai te ākonga ki te whakatutuki i te roanga ake o te tau, ka mutu, ki te whakaahua ngā Ākonga i ā rātou mahi me mārakerake te kite. He māia te nuinga o ngā Ākonga ki te tuhi i te waeine e hāngai ana ki te whakamahi tikanga taurangi hei whakaoti rapanga. Ki te kore e whakamahi i te waeine tika, ka hē te whakautu.

Wāhanga 2: He kōrero mō te Paerewa

92067: Te whakamahi tikanga taurangi hei whakaoti rapanga

Te Aromatawai ā-Waho:

He Kete Manarua tēnei e whakamahi ana i te tikanga taurangi hei whakaoti rapanga.

He māra me te whakatipu kai tōna aronga. Kō tā tē Ākonga he whakaatu i ōna māramatanga me te whakaemi taunakitanga hei whakatutuki i ngā paerewa paetae o te Paerewa Paetae nei.

Pūrongo Paerewa Paetae:

Ko ngā Ākonga i whakawhiwhia ki te **Kairangi** i te paerewa paetae:

- i āta whakaraupapa mai i ngā tikanga taurangi kia hāngai ki te horopaki me te tika o ngā rautaki hei whakautu me te whakaoti i ngā rapanga.
- i whakamārama i ngā tikanga taurangi hei whakaatu i te hua o ngā rapanga o te aromatawai.



Te Marautanga o Aotearoa	Pāngarau
Rā Aromatawai	25 Oketopa 2023
Te Momo Aromatawai	Kete Manarua
Ngā Paerewa Paetae	Kaupae 1 - 92068, 92067

Ko ngā Ākonga i whakawhiwhia ki te **Kaiaka** i te paerewa paetae:

- i mārakerake te tūhono i ngā tikanga taurangi ki ngā otinga i hua ake mai i ngā tātainga.
- i whakamārama i te āhua o ngā tikanga taurangi hei whakaatu i te whakaotinga o ngā rapanga o te aromatawai.

Ko ngā Ākonga i whakawhiwhia ki te **Paetae** i te paerewa paetae:

- i whakaatu mai i ētahi tikanga taurangi whānui hei whakaoti i ngā rapanga.
- i whakaatu mai i ōna mōhiotanga ki ngā huatau me ngā kupu e hāngai ana ki te taumahi me te whakamārama i ngā otinga.

Ko ngā Ākonga **kāore i whiwhi** i te paerewa paetae:

- kāore i whai i ngā tikanga taurangi hei tuhi i ngā waeine, kāore hoki i whakamahi tika i ngā kupu me ngā ariā o te reo pāngarau.
- kāore i āta whakaraupapa i ngā whakautu e mārakerake ai te kite, te mārama rānei.
- kāore i hāngai ngā whakamārama o ngā rapanga ki te horopaki o te aromatawai.

92068: Te whakamahi whakaaro āhuahanga, whakaaro ine hei whakaoti rapanga

Tirohanga Whānui

He Kete Manarua e whai wāhi ai te ākonga ki te whakatutuki i te roanga ake o te tau, ka mutu, He mea nui kia tuhi te Ākonga i te waeine i ia wāhanga o te whārite. Ahakoa te tika o te tau whakamutunga, ki te kore e whakamahia te waeine tika ka hē te whakautu katoa.



Te Marautanga o Aotearoa	Pāngarau
Rā Aromatawai	25 Oketopa 2023
Te Momo Aromatawai	Kete Manarua
Ngā Paerewa Paetae	Kaupae 1 - 92068, 92067

Te Aromatawai

He Kete Manarua e whakamahi ana i te whakaaro āhuahanga, whakaaro ine hei whakaoti rapanga. He māra me te whakatipu kai tōna aronga. Ko tā tē Ākonga ko te whakaatu i tōna māramatanga me te whakaemi taunakitanga hei whakatutuki i ngā paerua paetae o te Paerewa Paetae nei.

Pūrongo Paerewa Paetae:

Ko ngā Ākonga i whakawhiwhia ki te **Kairangi** i te paerewa paetae:

- i mārakerake te whakatakoto mai o ngā rautaki me ngā hāponotanga e tika ana, e hāngai ana hoki ki te horopaki o te aromatawai, waihoki e tika ana ngā whakautu.
- i waihanga whakawhānuitanga e ai ki tā te aromatawai e tohu mai ai.
- i tika te whakamahi whakaaro waitanga hei whakaoti, hei whakamārama i te whakaotinga o ngā rapanga hoki.

Ko ngā Ākonga i whakawhiwhia ki te **Kaiaka** i te paerewa paetae:

- i tika te nuinga o te whakamahinga o ngā kupu me ngā rautaki pāngarau hei whakautu i ngā rapanga.
- i whakaatu māramatanga i te pai o ngā whakatakotoranga o ngā whakautu, me nga whakaaro arorau o roto.
- i kaha te whakamahi i ngā kīanga pāngarau reo Māori hei whakawhiti whakaaro i roto i āna whakautu, i tūhono rānei i ngā otinga ki te horopaki o te aromatawai.

Ko ngā Ākonga i whakawhiwhia ki te **Paetae** i te paerewa paetae nei



Te Marautanga o Aotearoa

Pāngarau

Rā Aromatawai

25 Oketopa 2023

Te Momo Aromatawai

Kete Manarua

Ngā Paerewa Paetae

Kaupae 1 - 92068, 92067

- i whiriwhiri, i whakamahi i ētahi tikanga whānui hei whakaoti rapanga.
- i whakamārama waiwai nei i ngā otinga i hua mai i tētahi tikanga i whakamahia.

Ko ngā Ākonga **kāore i whiwhi** i te paerewa paetae:

- kāore i hāngai ngā rautaki ki tā te aromatawai e hiahia ana.
- kāore i tika te whakamahinga o ngā waeine, kāore rānei i whakamahi waeine hei tohu i te whakautu.
- kāore i hāngai ngā whakautu ki te horopaki o te aromatawai, kāore rānei i tika ngā whakamārama ā-kupu nei, ā-whārite nei rānei.

